

పౌలు ఎఫెసీయులకు వ్రాసిన పత్రిక పౌల్ ఎఫెసీయుల్నా లిఖ్యుతె పుస్తక్ అగ్గి వాతె

ఆ ఎఫెసీయుల్నా లిఖ్యుతెపుస్తక్ బరోభర్ కొలస్సియుల్నా పుస్తక్ లిఖ్యుతె వహాత్మాన్ క్రీస్తు పైదాహువనా బాద్మా 60 ను వరహామా లిఖ్కన్ ర్వావజాయ్. ఆ పుస్తక్ను లిఖ్యుతె 1:1

ప్రకారమ్ అపొస్తలుడహుయోతె పౌల్నితరా గుర్తుకర్లదొ. అజ్ల కొలస్సిను పుస్తక్నుతరన్ వ్యతిగతంగా అచ్చువాతె నార్హయుతోబి ఆ ఉత్తరంబి పౌల్ లిఖ్యుకరి ఘనూ అద్మి పండితుల్నూ అభిప్రాయం. ఆ కారణంనూ బారెమా ఆ హామె హామెను ఇలాహహామా ఛాతె కెత్తూకి సంఘంవాలు పడ్డిన్ ర్వావజాయ్. ఆ పుస్తక్ లిఖ్యుతె 3:1; 4:1; 6:20.

వచన్నూ ప్రకారమ్ రాణమా ర్వావను వహాత్ లిఖ్యుతిమ్ బోలు రాక్యన్. పౌల్, తుకికునా ఎపెస్సును సంఘంనా దేఖనహాజె ఆవను వహాత్మా ఇను హాతె మొక్ల్యాహుసేకరి 6:21-22 వచనాల్ బారెమా మూలంహుంకరన్.

విషయా సూచిక

1. పౌల్ ఇనూ యో పరిచయం కర్లీన్, సంఘంనా కృతజ్ఞతా బోలను 1:1-2
2. తెదె ఇను క్రీస్తుతి సంఘంను సంబంధంనా వివరించొ 1:3-3:21
3. తెదె క్రైస్తవుల్ కిమ్ జిమ్మకి పౌల్ లిఖ్యో 4:1-6:20.
4. ఆఖరిమా పొల్ను థోడు వాతె 6:21-24.

¹ దేమ్మ చిత్తంను బారెమా క్రీస్తుయేసు అపొస్తలుహుయోతె పౌల్ ఎఫెసీయుల్నాఛాతె దేమ్మలడ్మా క్రీస్తుయేసుమా విష్వాస్వాలుహుయుతె ఇవ్నా అచ్చుకరి బోలిన్ లిఖ్యుకరతె.

2 అప్పు భా హుయేతె దేవ్ కంతూ ప్రభుహుయోతె యేసుక్రీస్తుకంతూ తుమ్మా కృపబి సమాధానంబి హువదా.

క్రీస్తుమా అధ్యాత్మికను ఆషిర్వాద్

3 అప్పు ప్రభువుహుయేతె యేసుక్రీస్తును భా హుయేతె దేవ్ స్తుతింపబడదా. యో క్రీస్తుమా స్వర్గంను విషయంమా ఆత్మ సంబంధహుయుతె హర్యేక్ ఆషిర్వాదంబి అప్పు అనుగ్రహించొ.

4 కిమ్మతో ఇను ఫ్యార్హుయతెవాలకనా ఇనె చుక్కెన్ అప్పు దెవ్వాయ్రుతె ఇను కృప మహిమ నాటేకె కీర్తిహోనుతిమ్,

5 యేసుక్రీస్తుమా అప్పు ములక్నా అగాడి దేవ్ యెన్నిలిదొ. అప్పె ఇనా ఢోళమా పరిసుద్ధుల్తె నిర్దోషంతరా ర్హావతిమ్ యో అప్పా ఎన్నిలిదొ, అప్పా అగాడి ఇనహాజె నిర్ణయించిలీన్.

6 అప్పె ఇనహామె పరిసుద్ధుల్తరా, నిర్దోషుల్నితరా ర్హానుకరి ధర్తినుబేన్ నాఖ్యుకొయింతె అగాడిన్, ఫ్యార్హునుబారెమా యోక్రీస్తుమా అప్పా ఏర్పరిచిలిదొ.

7 దేప్పు ఘనుకృప మహాదైవ్యర్యంనా బారెమ, యో లాఢ్హుయోతె చియ్యోను ల్లోయితిన్ అప్పు విమోచనమ్, కతో అప్పు పాప్పు మాపిహుయాన్ ఛా.

8-9 కాలమ్ సంపూర్తిహుయుతెదె హువానుతె యేర్పాటునాటేకె, యో ఇన గోర్సంకల్పంతి ఇన చిత్తమ్నుబారెమా మర్మంనా అప్పు మాలంకరాయిన్, అప్పు సంపూర్ణంహుయుతె బుద్ధి అజు వివేచనంహోనుతిమ్, యోకృపనా అప్పటేకె ఫైలాయుగు.

10 ఆ సంకల్పంనాటేకె పన్ని, యోస్వర్గంమా ఛాతెన్ పన్ని, జమీన్ఫర్ ఛాతెన్ పన్ని, సమస్తమ్బి క్రీస్తుమా యేక్కితరా జమాకర్నూకరి ఇనుయోన్ నిర్ణయించిలిదొ.

11 దేప్పు ఇను చిత్తప్రకారమ్హుయుతె సంకల్పంనాటేకె అప్పు అగాడి నిర్ణయించిలీన్, ఇనకనా స్వాస్థ్యమ్తరా బనాయిల్తో. యో ఇను చిత్తముసారంగా కరీన్ నిర్ణయంతి సమస్తకార్యమ్నా కరూకరన్.

12 అజు క్రీస్తుమా అగాఢి నిరీక్పించేతె అప్పే ఇనా మహిమనా కీర్తి కర్నూకరి,

13 తుమేబి హాఃచి వాక్యంనా, కతో తుమారు బచ్చాప్సూతె సువార్తనా హాఃప్లిన్, క్రీస్తుమా విష్వాసంనా రాఖిన్, వాగ్దానమ్ కర్యాయుతె పరిసుద్ధాత్మతి ఛాపొ నఖ్కాయ్ రాన్.

14 దేప్పు మహిమనా కీర్తి హుసేతిమ్ యో కామయిన్ కరీన్ బి జనాభో విమోచనామ్ హుసేతె నిమిత్తమ్ ఆ ఆత్మ అప్పు స్వాస్థ్యమ్నా హామీతర ఛా.

పౌలు ప్రార్థన

15 ఆ కారణంతి, ప్రభుహుయోతె యేసుమా తుమారు విష్వాసీనా గూర్చిబి, పరిసుద్ధుల్ హాఃరునా బారెమా తుమె దెఖ్కాలు కరతే ఫ్యార్ ను గూర్చిబి, మే హష్టా తెప్పా

16 తుమారు విషయమా భులకొయినితిమ్ మారు ప్రార్థనమా దేవ్నా కృతజ్ఞతాస్తుతుల్ ఫేడుకరూన్.

17 అప్పా ప్రభుహుయేతె యేసుక్రీస్తు దేవ్ హుయేతె మహిమ స్వరూపిహుయోతె భా, ఇనా మాలంకర్లేవనాటేకె తుమ్నా జ్ఞానమ్నా ప్రత్యక్షతయును హుయుతె దిల్ నా అనుగ్రహించేతిమ్, మే మారు ప్రార్థనమా తుమ్నా గూర్చి హాఃయల్ కరుకురూన్.

18 యో యేసుక్రీస్తుమా కామ్ కర్క తాఖథ్ నా బట్టిన్ విష్వాసీకరతె అప్పటేకె యో ఒతాలుకరతె ఇనా తాఖథ్ నా ఘనుహుయూతె మహాత్మ్యమ్ కెజాత్నుకి, తుమె మాలంకర్లేను,

19 అజు తుమారు దిల్ను ఢోళ భోలాంకరన్, యో తుమ్నా బులాయోతె బులావనుహుయూతె నిరీక్పణ కెజాత్నుకి, పరిసుద్ధుల్ మా ఇను స్వాస్థ్యమ్నా మహిమైస్వర్యం కెజాత్నుకి,

20 ఇనె యో బలాతినయముతి క్రీస్తునా మరణ్ మతూ ఉట్టాడిన్, హాఃర ఫర్చి అధివత్సంతీబి అధికారమ్ తీబి తాహాత్తిబి హార్ఖార్ తీబి, ఆ పిథిమాన్ కాహెతిమ్

21 పన్ని అవ్వేతె ములక్కాబి నామ్ పొందుయతె హర్యేక్ నామ్ ఫర్బి కెత్త్రాకి ఉప్పర్ స్వర్గంమా ప్రభువు ఇను ఖవ్వాత్ భనే బెఖ్లాడి రాక్కొన్.

22 అజు హోరుబి ఇను యేడినాహేట్ రాఖిన్, హోరను ఉప్పర్ యో సంఘునా ముడ్కొనుఘాని నియమించొ.

23 యో సంఘమ్ ఇను ఆంగ్లాన్; సమస్తంనాబి పూరా భరుకరతె ఇనా సంపూర్ణతహుయిన్ ఛా.

2

మరణ్ మత్తా జీవంమా.

1 తుమారు అపరాధమ్తీబి పాప్తీబి తుమే ఆవాలహుయా కొయినితిమ్,

2 తెదె తుమే యోహోరుకర్తూ, అజు విధేయత కరకోయింతె ఆకాష్ను సంబంధంహుయింతె అధిపతి*నా, కతో అవిధేయంహుయింతె ఇన్నా హంకె ఉషికరాంకరతె తాఖత్తు అధిపతినా అనుసరించీన్, ఆ ములక్ను ఆహ్ానా అనుసరించి చాల్యథా.

3 ఇవ్వేతి మలీన్ అప్పెహోరబీ ఆంగ్లాన్తీబి దిల్తీబి ఆహ్ానా నెరవేర్చిలీన్, అప్పు ఆంగ్లాన్ను అనుసరింతెకొయింతె అగాడి చాల్తాహుయిన్, ఆఖరీను ఇవ్వేబారెమాన్ స్వభావసిద్ధంగా దేవుళ్ళజ్ఞా పాత్రుల్హుయిన్ ర్తయథా.

4 హుయుతోబి దేవు గోర్హుయిన్, అప్పే అప్ప అపరాధమ్మి మర్జావాలహుయిన్ ర్తయతెదె సయితము అప్పబారెమా దెఖ్కాడెయోతె ఇను మహా ఫ్యార్తి అప్ప క్రిస్తునాకేడె బచ్చాయో.

5 కృపతి తుమే బచ్చాయహుయా.

6 దేవ్ క్రిస్తుయేసుమా అప్పా ఇనకేడె ఉట్టాడిన్, సర్గంమా ఇనకేడె బెహ్ాడి ర్తాక్కొన్.

7 ఆవ్వేతె పిడిమా క్రిస్తు యేసుమా దేవ్ కర్యతె ఉపకారంతి ఘను ఇను కృప పూరిజావతిమ్ వోతలనటేకె యో ఇంకర్యొ.

* 2:2 2:2 మూలభాషమా ఆ పిడిను

8 తుమె విష్వాస్ను బారెమా కృపతీబి బచ్చిజైయిన్ ఛా; ఆ తుమార బారెమాహుయుతె కాహె, దేప్పు బహుమానమ్ వరంహుయిన్ ఛా.

9 యో కామ్బారెమా హుయుతె కాహె పన్ని కోన్ని బడ్డాయి బోలిలెవ్వనా హుసెకొయిని.

10 అజు ఇనమా అప్పే చాల్చుకరి దేవ్ అగాడి సిద్ధపరచోతె అప్యల్ క్రియల్నా కరనాటేకె, అప్పే క్రీస్తుయేసుమా సృష్టింప బడెతెవాలహుయిన్ యో కార్తె కామ్హుయాన్ ఛియ్యె.

క్రీస్తుమా ఏక్ హువను

11 అనటేకె జమానమా ఆంగ్లాన్ను విషయంమా యూదుల్కాహెతెవాల హుయిన్ ఛా. ఆంగ్లాన్కనా హాతేతి బణాయుతె సున్నతివాలకరి బోలాయిలీన్ ఇవ్వుహాతె సున్నతి కొయింతెవాలంతరా బోలాయోతె తుమే.

12 యోధన్మా దేవ్నా ఆలాదు హుయిన్ ఛా. ఇస్రాయేలుతి పొరసత్వం కొయిన్తె వాలంతరబీ, వాద్దానమ్ నిబంధనలు కొయింతె పరాయి అద్మియేనుతరబీ, నిరీక్షణ కొయింతె వాలబీ, ములక్కా దేవ్కొయింతె వాలంతరా రయిన్, క్రీస్తునా దూర్హుయిన్ ఛాకరి తుమె హాయల్ కర్గేవో.

13 హుయుతోబి అగాడి దేవ్నా దూర్ హుయాతె ఛా. హంకె తుమే క్రీస్తుయేసును ల్లోయిను బారెమా కందెహుయిన్ ఛా.

14 యో అప్పా సమాధానంహుయిన్ ర్లహిన్ తుమ్నాబి హంనబి ఛాతె ద్వేషంనా, కతో విధిరూపకహుయాతె ఆజ్ఞల్చు ధర్మషాస్త్ర రంనా, ఇను ఆంగ్లాన్మా మర్రాకనా బారెమా ఇచ్చును భీత్తు దక్లాయ్దీన్, అప్పు ఉభయల్చు ఏక్కితరా కర్వో.

15 అమ్ ధర్మంకర్తా, ఆ బేజనాణ ఇనకనా ఏక్ నవ్వా అద్మినితరా సృష్టించీన్, యూదుల్ను ఆజ్ఞమా ఛాతె ఇనా రద్దు కర్తా

16 ఇను సిలువ హాజె యో ద్వేషంనా మర్రాఖిదీన్, ఇన బారెమాతీన్ బేజణనా ఏక్ ఆంగ్లాన్తరా కరీన్, దేప్తి సమాధానం పరుచ్చుకరి అమ్మన్ కర్యు అనటేకె యోస్ అప్పా సమాధానంనా కర్త హుయురోన్.

17 ఆ నార్హానుతిమ్ క్రీస్తు ఆయిన్ దూర్ ఛాతె తుమ్మ కందేన్ ఇవ్వుబీ సమాధానం సువార్తనా ప్రచార్ కర్యోతె.

18 క్రీస్తుతీన్ తుమే హమే ఏక్ ఆత్మతి భాను సన్నిధిమా చేరిహుయిన్ ఛియ్యె.

19 అనటేకె యూదేతులు తుమే హంకేతు పరాయి అద్మియేనా బార్ను అద్మియే నార్హానుతిమ్, తుమే దేప్పు లడ్కయేను తార ఘర్ వాలాహుయిన్ ఛా.

20 క్రీస్తుయేను ఆస్తిహుయూతె మూలను బండోహుయిన్ ర్హహీన్ అపోస్తలీబి ప్రవక్తల్లుబి నాక్యతె బేస్ఫర్ తుమే బంధాయిన్ ఛా.

21 హర్యేక్ కట్టడంబి పప్యన్తి జోడ్రాక్య, ప్రభువుకమా పరిసుద్ధహుయుతె మంధిర్ హువానటేకె బాంధుకురాన్.

22 ఇనకనా తుమేబి ఆత్మమూలంగా దేప్పు జింకరతెజోగోమా ర్హావనటేకె బాంధుకరన్.

3

యూదుల్ కాహెతె ఇవ్వేటేకె కామ్

1 ఆ కారణంతీన్ యూదుల్ కాహెతె ఇవ్వేహుయుతె తుమార నిమిత్తంతి క్రీస్తుయేనును ఖైదీహుయెతె పొల్ కరి మే ప్రార్థించుకరూన్.

2 తుమారటేకె మన అనుగ్రహించొతె దేప్పు కృప విషయంమా యేర్పాట్నా గూర్చి తుమే హాజిరాక్యన్.

3 కిమ్మతొ క్రీస్తు మర్మం దేప్పు దర్శనంతి మన మాలంహుయుతే సంగతిగూర్చి ఆగాఢి హారు లిఖ్కాయ్ రూన్.

4 తుమే ఇనా పడతొ యో క్రీస్తుమర్మంను విషయంమా మన పొంద్యెతె జ్ఞానమ్ గ్రహించిలీన్.

5 ఆ అపొస్టలి రాక్యుతె సంగతుల్ హంకె ఆత్మనుమూలమ్గా దేవు పరిసుద్దులుహుయోతె అపొస్తల్నా ప్రవక్తల్నా మాలం హుయుతిమ్ జమానమను ఆద్మియోనా మాలం హుయుకొయిని.

6 ఆ మర్మం సాత్కతో యూదుల్ కాహేతె ఇవ్వే, సువార్తనాటేకె క్రీస్తుయేసుమా, యూదుల్నాకేడె సమాన హోదన్, ఏక్ ఆంగ్రాన్ అజు అవయవాల్, వాగ్దానంమా భాగ్హుయిన్ ఛాకరి బోలుకురూన్.

7 దేవు కార్యంతి ఇను తాహోతి మన దిదోతే కృపవరంతి మే యో సువార్తనా పరిచారకుడు హుయో.

8 మే దేవు అద్మియేహుయుతె ఇవ్వే కామ్హుయెతే మే, దేవుకెత్తుకి మోల్ హుయుతె సువార్తన యూదుల్ కాహేతె ఇవ్వాకన లీజాయితె భాగ్యమ్ క్రీస్తు మన దిదో.

9 హోరనా బణాయోతె దేవ్కనా జమనామతూ యో మర్మమ్నా గూర్చిన యేర్పాటు కెద్దానుకి హోరానా మాలంకరవానటేకె, పరిసుద్దు హోరనా అత్యాల్పుహుయుతే అప్పా ఆ కృప అనుగ్రహించొయో.

10 స్వర్గంమా ప్రధానుల్నా అధికారుల్నా, సంఘంనాతీన్ ఇనాతి కెత్తుకి విధముహుయుతె జ్ఞానమ్ హంకే మాలంహోనుకరి ఉద్దేసింబొ,

11 ఆ అపొస్టలి ప్రభుహుయోతె క్రీస్తు యేసుమా దేవ్ కర్యోతె ప్రణళిక.

12 అప్పే క్రీస్తుమా విష్వాస్తి హిమ్మత్తి నిర్భంహుయుతె దేవు సన్నిధి అప్పే కల్గిన్ ఛా.

13 అనటేకే తుమారు నిమిత్తంతి మన ఆయుతే మిన్వత్నా దేఖిన్ తుమె అధైర్యపడొనొకరి బోలుకరూన్, ఆ తుమ్నా మహిమనాటేకెహుయిన్ ఛా.

క్రీస్తును ఫ్యార్.

14-15 ఆ కారణంనాటేకె స్వర్గంమా ఛాతెబి, జామిన్ఫర్చి ఛాతె హర్యోక్ ఫుర్నా కెవు భానాటేకె కుటుంబంకరి బొలకొరాతే యో భానా ఖామే మే గుడ్డ్యామేట్హుయిన్ ప్రార్థన కరూకరూన్.

16 తుమే మహిను అద్మియేను హాజె తాహాత్తి యో ఆత్మన్ బలపార్చతిమ్ పాన్కి, క్రీస్తు తుమారు దిల్మా విష్వాన్తీన్ నివసించ్తిమ్ పాన్కి,

17 ఇను మహిమైస్వర్యమ్నాటేకె తుమ్నా కర్నూకరి, తుమే దేప్పు సంపూర్ణనతమా పూర్ణలుహువనాటేకె, ఫ్యార్మా స్థిరంహుయిన్ ర్థానుకరి,

18 అనటేకె దేప్పు లఢ్యయేతి ఇమ్మేతె మలీన్ హారు చౌడు లాంబు ఘదార్ ఊచు కెత్తూకి గ్రహించనాటేకె,

19 జ్ఞానమ్నా మించుతె క్రీస్తును ఫ్యార్మానా మాలంకర్లెవనా తగ్గిను తాహాత్ వాలహుయిన్ అజు దేప్పు తార ర్థానుకరి హమరు ప్రార్థినా కరూకరియేన్.

20 అప్పమా కార్యసాధకం హుయుతె ఇను థాఖత్నాటేకె అమ్మై మాంగ్గుతె ఇనెతీబి, ఊహించుతె ఇనాతీబి ఘనుజాహాత్ కరతె థాఖత్తాతె దేవ్నా,

21 క్రీస్తుయేను మూలంగా సంఘంమా పిడిపిడినా హమేషా మహిమకల్గిన్ ర్థావదా ఆమేన్.

4

సంఘంమా మలీన్ ర్థాను.

1 ప్రభువునా హాజె ఖైదిహుయోతె మే తుమ్నా బతిమాలుకురూన్.

2 అనహాజె, తుమే సమాధానమ్ బంధంనాహాతె ఆత్మ కలిగించతె మలీన్ బచ్చాయ్లేవమా థ్యాన్ రాఖవాలహుయిన్, ఫ్యార్మతి ఏక్నాయ్లే హామూల్తాహుయిన్,

3 తుమే బులాయోతె బులావాను తగ్గినుయెత్రె దీర్ఘసంతితిబి సంపూర్ణ వినయంతీబి సాత్వికంతీబి ఛాలో,

4 ఆంగ్గాన్ ఎక్కన్, ఆత్మబి ఎక్కన్; యో ప్రకారమ్ తుమారు బులావను విషయంమా ఎక్కన్ నిరీక్షణ ఎక్కన్.

5 ప్రభువు ఎక్కన్, విష్వాన్బి ఎక్కన్, బాప్తిస్మమ్బి ఎక్కన్,

6 హాఃరనా భాహుయుతె దేవ్ ఎక్కున్. యో హాఃరనా ఉప్పుర్ ఛాతెయో హాఃరమాబి ఫైలాయ్గయో హాఃరమా ఛా హార్తి కామ్ కర్యోకొరాన్.

7 హుయుతో అప్పమా హర్యేక్ జనాణాబి క్రీస్తు అనుగ్రహించోతే వరమ్మా కోలతి కృప దెవ్వాయు.

8 అనటేకే “ఇనే ఉప్పుర్ గయోతెదె,
చెరనా జైయిన్ ధర్మజైయిన్ ఆద్మియోనా వరమ్మా”
అనుగ్రహించోకరి లేఖనంమా బొలాయ్ ఛా.

9 ఉప్పుర్ జావకోయిన్తె ఆగాడి జామీన్ హేట్ గాయో కరి అర్థం ద్యోకొరాన్.

10 ఉత్త్రోతె ఇను యోన్ సమస్తంనా భరావాతిమ్ ఆకాష్ను మండలం అక్కుతిబి అజు ఉప్పుర్ చడ్డిన్ గయోతేవాలొ హుయిన్ ఛా.

11 పరిసుద్దుల్ సంపూర్ణ హువనటేకె క్రీస్తును ఆంగ్లాన్ క్షేమాభివృద్ధి హువనటేకె, పరిచర్య ధర్మంనా ఖారనటేకె, యో థోడుజనణా అపోస్తులుతరా, థోడుజనణా ప్రవక్తల్తరా, థోడుజనణా సువార్తికుల్తరా, కాపరూల్తరా ఉపదేసకుల్తరా నియమించో.

12 సానకతో, పరిసుద్దుల్ సేవ కరనా తాఖత్ వాల వోనుకరి, క్రీస్తు ఆంగ్లాన్మా భడావాను యో అంకర్యో.

13 అప్పె హాఃరను విష్వాస్ను విషయమ్మా దేప్పు ఛియ్యాను గూర్చి జ్ఞానమ్ము విషయమ్ ఏకత్వమ్మి యేసు క్రీస్తుమా బడ్డుకరి,

14 అనటేకే అప్పె హంకె అడ్డానిలడ్కాహుయిన్ ర్హహీన్, అద్మియేను మాయో పాయమ్తి వంచనతి, తప్పు వాట్నా అంనింతరా కుయుక్తితి, వ్యారొనా ఉడిజాయితె తిమ్, కల్పింపబడుతె హర్యేక్ ఉపదేసమ్మా అమ్ ఇమ్ హుడిన్ జావాను అలలతారా హుడవాలా కొయినితిమ్ ర్హాన్,

15 ఫ్యార్ ర్హేన్ హాఃఛినాబోత్తాహుయిన్ క్రీస్తునితరన్ ర్హావనాహాజె, అప్పెహాఃర విషయంమా భడియే.

16 యో ముడ్యుహుయిన్ ఛా, ఇనకంతు సర్వ ఆంగ్తాన్నా అచ్చుతి జోడిన్, ఇనమా ఛాతె హర్యేక్ అవయంబి ఇను ఇనూ పరిమాణమ్ ప్రకారం కామ్ కర్తూ ర్హావమా హర్యేక్ కీలుహాజె హుయుతె కువ్వత్నాహాతె చుప్పాయిన్, ఫ్యార్మా ఇనా క్చేమాభివృద్ధి హువతిమ్ ఆంగ్తాన్ను భడావాను కర్లిదొ.

క్రీస్తుమా నమా జీవు.

17 ఇనహాజె యూదుల్కాహెతెవాతె ఇవ్వే చాలతిమ్ తుమె హంకేతు నొకొచాలొతిమ్ ప్రభువుమా గుర్థాంకురున్.

18 ఇవ్వెహుయతో అంధారుహుయుతె దిల్వాపహుయాన్, ఇవ్వె ఇవ్వు దిల్లు గట్హుయిన్ ఇవ్వుమా ఛాతె అజ్ఞానంనా హాతె దేవ్వాహాజె హుయుతె జాన్మాతు అలాదుహుయుతె ఇవ్వె, ఇవ్వా దిల్మా హుయుతె వ్యర్థత అనుసరించిన్ చాలుకరన్.

19 ఇవ్వె షరమ్ కొయినితిమ్ ఇవ్వె కెహాకెహావిధంతి అపవిత్రంతి ఘను ఆహా కరనటేకె ఇవ్వానివ్వేన్ జారత్వమ్తి ధారాయిలిదా.

20 తుమె యేసుక్రీస్తును గూర్చి సికిలిదాతె కాహేకుని,

21 యేసు హాఛి తిమ్మన్ ఉపదేసింపబడుతే వాలహుయాతో,

22 అనటేకె అగాడిను ప్రవర్తనా విషయమ్మా, మోసమ్హుయుతే దురాసనాటేకె చెడిజాన్ తూమారు జూను ఛాల్ నా వ్హేందీన్

23 తుమారు దిల్ నమా హుయిన్ ర్హాను,

24 నీతిబి పవిత్రంనూ భక్తివాలహుయుతె ఇవ్వె, దేవు పొలికమా సృష్టింపబడుతె నమా స్వభావంనా పేర్లెవొ.

25 అవ్వె ఏక్నాయేక్ క్రీస్తు ఆంగ్తాన్ హుయిన్ ఛియ్యె పన్ని తుమె జూటిబొలను బులీన్ హర్యేక్ జను ఇనా బగల్వాలుతి హాఛిన్ వాత్బొల్లు.

26 చండ్డాలవడొ పన్ని పాప్ నొకొకరో సూర్యుడ్ డుభతోడి తుమారు చండ్డాల నార్హాను.

27 సైతాన్నా జోగొ నొకొదెవొ

28 చోర్ కరవాలొ హంకెతూ చోర్ నాకర్నుతిమ్ జరూర్ఛాతె ఇన్నా భాగ్పాడనాటేకె వీలుహువతె నిమిత్తమ్ ఇను హతేతి అషల్ కామ్కర్తూ మిన్వత్ పడ్ను.

29 హోష్టుతెయిన్నా అషల్ హోనుతిమ్ అవసరంనాబట్టిన్ క్షేమాభివృద్ధి హుయుతె కృపను అనుకూలవచనమన్ బోలొ పన్ని హోరబహుయుతె కెహూబి తుమారు మోఢమాతు నొకొబొలొ.

30 దేన్ను పరిసుద్ధాత్మనా దుఃఖపర్చనొకొ వియోచనా ధన్ తోడి ఇనకనా తుమె చాపొనక్కాయిన్ ఛా.

31 హోరుహుయూతె హోరబ్, చండ్రాల్, భీజ్, ఖేల్కూద్, దూషణ్, హర్యేక్ హుయూతె దుష్టత్యమ్ తుమె వైందేవొ.

32 ఇనబదుల్ ఏక్నా బారెమా యేక్షనొ గోర్ రహీన్ గోర్ను దిల్వాలహుయ్యాన్ క్రిస్తుకనా దేవ్ తుమ్నా మాప్ కర్యోతె ప్రకారమ్ తుమేబి ఏక్నాయేక్ మాప్ కర్తెవొ.

5

ఉజాళుమా జీవను.

1 అనటేకె తుమె దేన్నా లాఢ్వాలహుయతె లడ్కావ్నితరా పొలిన్ ఛాలొ.

2 క్రిస్తు తుమ్నా ఫ్యార్కరిన్, పరిమళ వాహ్నితరా ర్హావనటేకె అప్పటేకె ఇనుయోస్ దేన్నా అర్పణతరా, ఇనాయోస్ బలినితరా దెవ్వాడిలిదొ; ఇమ్మన్ తుమేబి ఫ్యార్తి చాలొ.

3 తుమారమా జారత్వమన్ పన్ని, కెహూ విధంహుయూతె అపవిత్రతన్ పన్ని, లోభత్వంమన్ పన్ని, అజాత్ను నామ్హుయుతోబి నాబోల్పు, ఆస్ పరిసుద్ధుల్నా హుయుతె.

4 కృతజ్ఞతావచనమ్ బొల్లేను పన్ని తుమే గలీజ్వాతెతోబి, పొకిరినువాతేబి, మజాక్ నాబోల్పు; యో తుమ్నా అచ్చుకాయె.

5 వ్యభిచార్‌హుయుతోబి, అసుద్దుడహుయుతె, మూర్తియేనా పూజకరవాలు రైతోబి లోభితోబి, క్రీస్తునూ దేవ్‌నునాబి రాజ్యమ్‌నా హక్కువాలహును కొయినికరి తుమ్నా ఖచ్చితనంతి మాలమ్.

6 ఫాల్తూ వాతేనాటేకె కొన్ని తుమ్నా మోసమ్ నొకొకరదెవో; ఆ కామ్‌ను బారెమా దేవు ఖీజ్ అక్కల్‌కొయింతెవాల ఇవ్వుఫర్ ఆవ్సె

7 అనహాజెపన్కి తుమే యోజాత్నావాలనాకేడె మలీన్ నొకొరాయిన్.

8 తుమే జమానమా అంధారుహుయిన్ థా, హంకెహుయుతో ప్రభువుమా ఉజాలుహుయిన్ ఛా.

9 షానకతో ఉజాళమా ఫలం పసంద్‌నుబి, నీతి, హాఃభినా అన్మా దెఖ్కాంకరన్.

10 పన్కి ప్రభువునాకెహూ లాడహుయూతెకెహూకి ఇనా యేన్‌కర్తాహుయాన్,

11 ఫాల్తుహుయుతె అంధారను కామ్‌మా జోడనొకొహునుతిమ్ ఇనా వ్హెందెవో. ఉజాలు సంబంధుల్‌ఘాని చాలిలెవో.

12 కింకతో యెజాత్ను కామ్ కరవాలు ఆప్రేతికరతె కామ్ను బారెమా వాత్‌బోలవాలు ఇజ్జత్‌నితరా ఛా.

13 సమస్తమ్‌నా వ్హెందిన్ ఉజాలును బారెమా ప్రత్యక్ష్ పరచబడ్డె;

14 ప్రత్యక్ష్‌బడుతె కెహూకి యో ఉజాలూన్ కాహెనా;

అనటేకె హూతోతె తూ హొషార్‌తి ర్హహిన్ మరణ్‌మతూ ఉట్, క్రీస్తు తారఫర్ ప్రకాసింతుకరన్‌కరి యో బోలుకరన్.

15 ధన్ ఖరాబ్ అనహాజె, తుమే వహాత్‌నా జావనొకొదెవోతిమ్ సద్వినియోగామ్ కర్తాహుహిన్,

16 అక్కల్‌కొయింతె వాలనితరా కాహెతిమ్, అక్కల్‌వాలనితరా చాల్పుతిమ్ జత్తన్‌తి దేఖిలెవో.

17 అనా నిమిత్తము తుమే బుద్ధు అద్మి కాహెతిమ్ పన్కి ప్రభువును చిత్తమ్‌సాత్‌కి మాలంకర్లెవో.

18 అజు ధారుతి నిషానితరా నొకొర్లెవో, ఇన్మా కారబ్‌నా వాట్ హున్; హుయోతో ఆత్మ పూర్ణుహుయిన్ ర్లెవో.

19 ఏకా ఏక్ కీర్తనాల్తీబి సంగీతంతీబి ఆత్మ సంబంధహుయుతె గీర్తీతీబి గుర్కావ్తాహుయిన్, తుమారు దిల్కా ప్రభువునా గూర్చి బోల్తాహుయిన్ కీర్తించతాహియిన్,

20 అప్నా ప్రభుహుయోతె యేసుక్రీస్తును నామ్మా సమస్తమ్ను బారెమా భాహుయోతె దెవ్నా కెదేబి కృజ్జతాస్తుతులు కర్తాహుయిన్,

బాప్రి అజు బావన్

21 క్రీస్తుమా ఢర్తి ఏకా యేక్ లోబడిన్ర్తవో.

22 బాయికా, ప్రభువునితరన్ తుమారు సొంతమరద్మానొనా లోబడిన్ ర్తవో.

23 క్రీస్తు సంఘునా ముఢ్యానితరా ఛాతె తిమ్మాన్ మరద్మానొ బావన్నా ముఢ్యానితరా ఛా. క్రీస్తున్ ఆంగ్లాన్నా బచ్చావాలో హుయోరోన్.

24 సంఘం క్రీస్తునా లోబడుతిమ్ బాయికోబి హర్వేక్ విషయమ్మా ఇను బచ్చినా లోబడిన్ ర్తాను.

25 బాప్రియే, తుమే తుమారు బావన్నా ఫ్యార్కరో. ఇమ్మితరా క్రీస్తునాబి సంఘునా ఫ్యార్కరో,

26 యో కళంకంహుయుతె ముడతహుయుతోబి వెజాత్తు అజు కెహూబి కొయినితిమ్, పరిసుద్ధహుయుతె వాలనితరబి,

27 నిర్దోషంహుయుతె ఇమ్మన్ మహిమహుయూతె సంఘునుతరాబి ఇను ఇనహామె ఇనా ఉబ్బారి రాక్కుకరి, వాక్యమ్తి పానినొవనూహాతె ఇనా పవిత్ర కరీన్, పరిసుద్ధహువానాటేకె ఇనహాజె ఇనాయోన్ ధరాయ్లిదో.

28 ఇమ్మితరాన్ బాప్రిబి ఇను సొంత ఆంగ్లాన్నితరా ఇనా బాయికోన ఫ్యార్కరీన్ బద్ధహుయున్ ఛా. ఇను బాయికోనా ఫ్యార్కరవాలు ఇనాయోన్ ఫ్యార్ కర్లెంకరాన్.

29 ఇను ఆంగ్రాన్* ద్వేషించువాలో కోన్ని కొయిని. పన్ని హర్యేక్జణు ఇనా పాలిన్ బచ్చాయిలినె.

30 అప్పే క్రిస్తు ఆంగ్రాన్మా భాగ్ హుయిరాన్ పన్ని ఇమ్మాన్ క్రిస్తుబీ సంఘంనా పాలిన్పోషించీన్ బాచ్చాయిలెంకరన్.

31 అనటేకె లేఖనంమా బొలోతిమ్ ఆ హేతువుతి మరద్మానొ ఇను ఆయా భాన వ్హెందీన్ ఇను బావన్నా ధపాయిలినె; ఇవ్నె బేజనా ఏక్ ఆంగ్రాన్ హునె.

32 ఆ మర్మంనా అర్థంకరను కష్టమ్; అజు మే క్రిస్తును గూర్చిచి సంఘంనా గూర్చిచి బోలుకురూన్.

33 అజుబి తుమారమా హర్యేక్ మరద్మానొ ఇనింతరన్ ఇను బావన్నా ఫ్యార్ కర్పు, బావన్హుయుతో ఇను భావైనా హోమే గొరవంతి ర్హావను దేఖిలేను.

6

ఆయా భా అజు లడ్కా

1 లడ్కా, ప్రభువుకనా తుమారు ఆయా భాతి విధేయుల్ హుయిన్ ర్హవొ; ఆ ధర్మమ్.

2 తునా మేలు కల్గునుతిమ్ తారు ఆయనా భానా సన్మానించొ,

3 తెదె తూ జమీన్ఫర్ దీర్ఘాయుష్మంతుడు హుయిన్, ఆ వాగ్దానంతి మల్యుతె ఆజ్జల్మా అగాఢిను.

4 ఆయా, భా తుమారు లడ్కనా ఖీజ్ నాఆవదేనుతిమ్ ప్రభువునూ సిక్చమాబి బోధమాబి ఇవ్నా ఫాలో.

సేవాకుల్ అజు మాలిక్.

5 దాసుడవాలా, యథార్థహుయుతె దిల్వాలహుయిన్ థర్తిబి కాప్తాహుయాన్ క్రిస్తునుతరాన్, ఆంగ్రాను బారెమా తుమారు మాలిక్హుయాతె ఇవ్నా విధేయుల్హుయిన్ ర్హవొ.

* 5:29 5:29 మూలభాషమా సంఘం.

6 అద్మియేనా ఖుషి కరవాలు కరతిమ్, ధోళనా దేఖ్కావనూకరి కాహతిమ్, క్రీస్తునూ దాసుడ్వాలకరి మాలంకరీన్, దేప్పు చిత్తమ్నా దిల్భర్తితీ కర్తూహుయాన్,

7 అద్మియేనా కరతెతిమ్ కాహతిమ్ ప్రభువునా కరతిమ్మన్ ఇష్టపూర్వకంతి సేవా కరో.

8 దాసుడ్ హుయుతోబి స్వతంత్రుడు హుయుతోబి తుమారమా హర్యేక్ జణూ కెమా అప్యల్ కరస్కి ఇను ఫల్ ప్రభువుతీన్ పొందుకరి తుమే హాయల్ కర్లెవో.

9 మాలికే, తుమ్నాబి ఇమ్నాబి మాలిక్ హుయోతె ఇనె స్వర్గంమా ఛాకరిబీ, ఇనకనా పళ్ళపాతమ్ కొయినికరి మాలంకరవాలహుయిన్, ఇవ్నా ఢరావనూ మ్లేందీన్, యో ప్రకారమ్ ఇమ్మేతి చాలో.

దేప్పుహారు ఆయుధాలు.

10 ఆఖరినా ప్రభువునూ మహా తాహాత్ బట్టిన్ ఇనకనా కువ్వత్వాల హుయున్ ర్లెవో.

11 తుమె సైతాన్ ను కుతంత్రాల్నా గుర్కావనాటేకె తాహాత్వాల హువనాటేకె దేవ్ దిదొతె ఆయుధాల్నా పేర్లెవో.

12 కిమ్మాతో అప్పె లడ్డాయ్ కరూకరతె త్లోయి ఆంగ్రాన్తీబి కాహా పన్ని, ప్రధానుల్తీ, అధికారుల్తీ, హంకె అంధారను సంబంధంహుయుతె ములక్కు నాథుల్తీబి, ఆకాష్సు మండల్మా ఛాతె దురాత్మల్ను పాంబల్తి లడ్డాయి కరూకరియేన్.

13 అనటేకె తుమె ఆపత్కాలంను ధన్యా ఇప్పె గుర్కావనాటేకెబి, సమస్తంనాబి కరవాలహుయాన్ ఉబ్రనటేకెబి తాఖత్వాల హువానాటేకె, దేవ్ దేయ్తె ఆయుధాలు పేర్లెవో.

14 కింకతో తుమారు కంబర్నా హాఛిను దట్టి బాందిలీన్ నీతికరి కవచం పేర్లెన్

15 యేడియేనా సమాధానంను సువార్తబారెమాహుయూతె నిడ్ధమనస్సుకరి జోడుపేర్లెన్ ఉబ్లిర్లెవో.

16 ఆహారు కామెటిమ్ విప్లాస్ను డాల్ ధర్లెవో; ఇనేతి తుమె దుష్టుడ్ను ఆగ్గుబాణంహారునా హుజావనాటేకె తాహాత్వాల హుసు.

17 అజు బచ్చావాలొనూబి ముడ్కొను కిరీటం, దేప్పు వాక్కుమ్కరి ఆత్మదేయ్తె తలార్వారనా పేర్లెవో.

18 ఆత్మమా హర్యేక్ వహాత్మాబి హర్యేక్ విధంహుయూతె ప్రార్థనమా హాయల్కర్తా, యో విషయంబన్తి సమస్త దేప్పులడ్కు నిమిత్తంతి పూర్ణంహుయూతె పట్టుదలతి హాయల్కర్తూ హొష్టార్నిర్లవో.

19 యో సువార్త మర్మనా ధైర్యమ్తి బోలనాటేకె మే వాత్బొల్వో తెదె దేవ్ ఇను వాక్యంనా మన దెవ్వానటేకె మారటేకె ప్రార్థనకరో.

20 హాఖల్మా ఛాప్తే మే ఆ సువార్త నిమిత్తమ్ హుయూతె రాయబారిना. మే ఆ సువార్తనా కేజాత్ను హిమ్మతి బోలనాటేకె యోజాత్ను హిమ్మతి బోల్లు కాహేన.

ఆఖిరీను హాలమ్.

21 తుమేబి మారు క్షేమసమాచార్ అక్కు మాలం కరనటేకె లాఢ్హుయతె బైయ్యే ప్రభువుమా నమ్మకంహుయూతె పరిచారకుడునా హుయూతె తుకికు మారు సంగతుల్ హారు తుమ్నా మాలంకరావ్వె.

22 తుమే మారు సమాచారమ్నా మాలం కరనాటేకెబి ఇనె తుమారు దిల్నా ప్రొత్సహించనాటేకెబి ఇనా తుమారకనా బొలిమొక్లో.

23 భాహుయూతె దేవ్కంతూ ప్రభుహుయూతె యేసుక్రీస్తుకంతూ సమాధానమ్నా విప్లాస్తి హుయూతె ఫ్యార్బి బైయ్యేనా కల్లను హువదా.

24 అప్పు ప్రభుహుయూతె యేసుక్రీస్తునా స్వతంత్ర్యాంహుయూతె ఫ్యార్తి ఫ్యార్తికరో ఇన్నా హారనా కృప కల్లను హోను.

పవిత్ర బైబిల్
The Holy Bible in the Vaghri language of India: పవిత్ర
బైబిల్ (Bible)

copyright © 2024 The Word for the World International

Language: Kolami (Vaghri)

Contributor: The Word for the World South Asia

పవిత్ర బైబిల్
నవ్వా నిబంధన్, 2024

The New Testament in Kolami Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

6499b822-63b1-5d0a-bb01-77450981acb9